

## 章太炎先生《重订三字经》重新发表缀言

李希泌

《三字经》世传为宋代著名学者王应麟所著，千百年来，相沿作为启蒙教材之一。明清两代续有增补。降及近代，国学大师章太炎先生以此书“所举人事部类，其切者犹有未具”，1928年季春重为增订，“其所增者三分之一，更定者亦百分之三四”，章太炎先生重订三字经，对原三字经可以说是动了一次大手术。1932年《重订三字经》由上海汉文正楷书局排印问世。嗣章太炎先生在苏州创设章氏国学讲习会，此书由该会重印五百册行世，时章太炎先生与他的门弟子讲述读史日程，由诸祖耿、王乘六笔录整理成文，附录于该书之后。由于两次印本均系小开本，所用纸张极为单薄，不易保存，故今日已不易见到。

1931春，章太炎先生应苏州中国国学会之邀请，到苏州讲学，住在舍间。某晚，在晚餐后，先生与先父根源公及其门弟子聚谈，将其所著《重订三字经》及为该书所撰序文出脉先父，请先父提意见。先父对章太炎先生以一代宗师，能纡其尊而为启导童稚之事，由衷敬佩，赞叹不已，但对序文中将《纲鉴易知录》一书贬称为“兔园册子”有不同意见，先父对章先生说：“《纲鉴易知录》取精用宏，叙述简明，乃读史之入门书，似不能贬称之为‘兔园册子’，请先生斟酌。”章先生回答说：“对古书每人各有不同之评价，我对《纲鉴易知录》之评价可能要求过高。先生讲完以后，立即将序中此句删去，章太炎先生从善如流之治学精神深深教育了我，使我想到古谚所云“江海不拒涓流，所以

能成其大；泰山不辞细土，所以能成其尊”，其是之谓乎！

章太炎先生重订《三字经》距今已有六十余年，由于当时两个印本至今均已罕见，故今人仅知章太炎先生曾重订三字经，但对重订之内容，则多莫知其详。余尚存有此书上海印本，因商得文献编辑部同意，在该刊重新发表，使这一重要文献不致散佚，想为研究章太炎先生学术思想者也。一九九五年四月李希泌谨记于京席健行斋。

### 重订三字经序

章炳麟

《三字经》者，世传王伯厚所作，其叙历代废兴，本讫于宋，自辽金以下，则明清人所续也。其书先举方名事类，次及经、史、诸子，所以启导蒙穉者略备。观其分别部居，不相杂厕，以校梁人所集《千字文》，虽字有重复，辞无藻采，其启人知识过之，即《急就章》与《凡将篇》之比矣。

余观今学校诸生几并五经题名、历朝次第而不能举，而大学生有不知周公者，乃欲其通经义、知史法，其犹使眇者视、跛者履也欤！今欲重理旧学，使人人诵诗书、窥纪传，吾之力有弗能已。若所以诏小子者，则今之教科书、固弗如三字经远甚也。间常举以语人，渐有信者。然诸所举人事部类，其切者尤有未具，明清人所增尤鄙，于是重为修订，所增入者三之一，更定者亦百之三四，以付家塾，使知昔儒所作非苟而已也。

中华民国十七年季春元月章炳麟

### 重订三字经

章炳麟

人之初，性本善，性相近，习相远。

苟不教，性乃迁，教之道，贵以专。  
昔孟母，择邻处，子不学，断机杼。  
荀季和，有义方，教八子，名俱扬。  
养不教，父之过，教不严，师之惰。  
子不学，非所宜，幼不学，老何为。  
玉不琢，不成器，人不学，不知义。  
为人子，方少时，亲师友，习礼仪。  
香九龄，能温席，孝于亲，所当执。  
融四岁，能让梨，弟子长，宜先知。  
首孝弟，次见闻，知某数，识某文。  
一而十，十而百，百而千，千而万。  
三才者，天地人，三光者，日月星。  
三纲者，君臣义，父子亲，夫妇顺。  
曰春夏，曰秋冬，此四时，运不穷。  
曰南北，曰西东，此四方，应乎中。  
曰水火，木金土，此五行，本乎数。  
十干者，甲至癸，十二支，子至亥。  
曰黄道，日所躔，曰赤道，当中权。  
赤道下，温暖极，我中华，在东北。  
寒懊均，霜露改，右高原，左大海。  
曰江河，曰淮济，此四瀆，水之纪。  
曰岱华，嵩恆衡，此五岳，山之名。  
古九州，今改制，称行省，二十二。  
曰士农，曰工商，此四民，国之良。  
医卜相，皆方技，星堪輿，小道泥。  
地所生，有草木，此植物，偏水陆。  
有虫鱼，有鸟兽，此动物，能飞走。  
稻粱菽，麦黍稷，此六谷，人所食。

马牛羊，鸡犬豕，此六畜，人所饲。  
曰喜怒，曰哀惧，爱恶欲，七情具。  
曰仁义，礼智信，此五常，不容紊。  
青赤黄，及白黑，此五色，目所识。  
酸苦甘，及辛咸，此五味，口所含。  
羶焦香，及腥朽，此五臭，鼻所嗅。  
宫商角，及征羽，此五音，耳所取。  
匏土革，木石金，与丝竹，乃八音。  
曰平上，曰去入，此四声，宜调叶。  
九族者，序宗亲，高曾祖，父而身。  
身而子，子而孙，自子孙，至玄曾。  
五伦者，始夫妇，父子先，君臣后，  
次兄弟，及朋友，当顺叙，勿违负。  
有伯叔，有舅甥，婿妇翁，三党名。  
斩齐衰，大小功，至缌麻，五服终。  
凡训蒙，须讲究，详训故，明句读。  
礼乐射，御书数，古六艺，今不具。  
惟书学，人共遵，既识字，讲《说文》。  
有古文，大小篆，隶草继，不可乱。  
若广学，惧其繁，但略说，能知原。  
为学者，必有初，小学终，至《四书》。  
《论语》者，二十篇，群弟子，记善言。  
《孟子》者，七篇是，辨王霸，说仁义。  
《中庸》者，子思笔，中不偏，庸不易。  
《大学》者，学之程，自修齐，至治平。  
此二篇。在《礼记》，今单行，本元晦。  
《四书》通，《孝经》熟，如《六经》，始可读。  
《六经》者，统儒术，文作周，孔子述。

《易》《诗》《书》；《礼》《春秋》，《乐经》亡，余可求。  
有《连山》有《归藏》，有《周易》《三易》详。  
有典谟，有训诰，有誓命，《书》之奥，  
有国风，有雅颂，号四诗，当讽诵，  
《周礼》者，著六官，《礼仪》者，十七篇。  
大小戴，集《礼记》，述圣言，礼法备。  
王迹息，《春秋》作，寓褒贬，别善恶。  
《三传》者，有《公羊》，有《左氏》，有《谷梁》。  
《尔雅》者、善辨言，求经训，此莫先。  
注疏备，《十三经》，惟《大戴》，疏未成。  
《左传》外，有《国语》，合群经，数十五。  
经既明，方读子，撮其要，记其事。  
古九流，多亡佚，取五种，修文质。  
五子者，有荀扬，文中子，及老庄。  
经子通，读诸史，考世系，知终始。  
自羲农，至黄帝，并项誉，在上世。  
尧舜兴，禅尊位，号唐虞，为二帝。  
夏有禹，商有汤，周文、武，称三王。  
夏传子，家天下，四百载，迁夏社。  
汤伐夏，国号商，六百载，至纣亡。  
周武王，始诛纣。八百载，最长久。  
周共和，始纪年，历宣幽，遂东迁。  
周道衰，王纲坠，逞干戈，尚游说。  
始春秋，终战国，五霸强，七雄出。  
嬴秦氏，始兼并，传二世，楚汉争。  
高祖兴，汉业建，至孝平，王莽篡。  
光武兴，为东汉，四百年，终于献。  
魏、蜀、吴，争汉鼎，号三国，迄两晋。

宋、齐继，梁、陈承，为南朝，都金陵。  
北元魏，分东西，宇文周，与高齐。  
迨至隋，一土宇，不再传，失统绪。  
唐高祖，起义师，除隋乱，创国基。  
二十传，三百载，梁灭之，国乃改。  
梁、唐、晋，及汉、周，称五代，皆有由，  
赵宋兴，受周禅，十八传，南北混。  
辽与金，皆夷裔，元灭之，绝宋世。  
莅中国，兼戎狄，九十年，返沙磧。  
太祖兴，称大明，纪洪武，都金陵。  
迨成祖，迁宛平，十六世，至崇祯。  
权阉肆，流寇起，自成人，神器毁。  
清太祖，兴辽东，金之后，受明封。  
至世祖，乃大同，十二世，清祚终。  
凡正史，廿四部，益以清，成廿五。  
史虽繁，读有次，《史记》一，《汉书》二，  
《后汉》三，《国志》四，此《四史》，最精致。  
先《四史》，兼证经，参《通鉴》，约而精  
历代事，全在兹，载治乱，知兴衰。  
读史者，考实录，通古今，若亲目。  
汉贾、董、及许、郑，皆经师，能述圣。  
宋周、程，张朱、陆，明王氏，皆道学。  
屈原赋，本风人，逮邹枚，暨卿云。  
韩与柳，并文雄，李若杜，为诗宗。  
凡学者，宜兼通，翼圣教，振民风。  
口而诵，心而惟，朝于斯，夕于斯。  
昔仲尼，师项橐，古圣贤，尚勤学。  
赵中令，读鲁论，彼既仕，学且勤。

披蒲编，削竹简，彼无书，且知勉。  
火炷掌，锥刺股，彼不教，自勤苦。  
如囊萤，如映雪，家虽贫，学不辍。  
如负薪，如挂角，身虽劳，犹苦卓。  
苏明允，二十七，始发愤，读书籍。  
彼既老，犹悔迟，而小生，宜早思。  
若荀卿，年五十，游稷下，习儒业。  
彼既成，众称异，而小生，宜立志。  
莹八岁，能咏诗，泌七岁，能赋棋。  
彼颖悟，人称奇，尔幼学，当效之。  
蔡文姬，能辨琴，谢道韞，能咏吟。  
彼女子，且聪敏，尔男子，当自警。  
唐刘晏，方七岁，举神童，作正字。  
彼虽幼，身已仕，尔幼学，勉而致。  
犬守夜，鸡司晨，苟不学，曷为人。  
蚕吐丝，蜂酿蜜，人不学，不如物。  
幼习业，壮致身，上匡国，下利民。  
扬名声，显父母，光于前，裕于后。  
人遗子，金满籯，我教子，惟一经。  
勤有功，戏无益，戒之哉。宜勉力。

作者工作单位：北京图书馆